

Gregorio Ordoñez



hilketa

Gaitzespena eta samindura

Alderdi eta erakunde politikoetako ordezkariak gaitzetsi egin zuten Ordoñezen kontrako atentatua

Alderdi eta erakunde politikoek gaitzespena eta dolumina agertu zuten atzo Gregorio Ordoñez Gipuzkoako PPko lehendakariaren hilketa dela eta. Ajuria Eneko Ituneko alderdietako ordezkariak, bestalde, bilera bat egin zuten atzo gauean egoera eta ekimen bateratu posibleak aztertzeko.

► **Ardanza:** «Hilketa honek, aurreko beste guztiak bezala, ez du inolako esplikaziorik ezta logika politikoarik. Fanatismoak bakarrik esplikatu luke halako atentatu bat, guztiok euren arerioak garela pentsamendutik. Beraz hiltzeko arriskua dugu beraien ideiekin bat ez gatozenok eta bide demokratikoak erabiltzen ditugunok». Lehendakariak modu baketsuan atentatua gaitzesteko eskatu die herritarrei.

► **Barne Ministerioa:** Juan Alberto Belloch Espainiako Barne eta Justizia ministroa Jerusalem mintzatu zen, bertan baita bisita ofizialean. «ETak ahal duenean eta ahal duena hiltzen du» besterik ez zuen esan ministroak atentatuaren inguruan. Ordoñez bere jarrera politikoak «duintasunez» defenditu zuen pertsona gisa agertu zuen, eta bere bidaia eten egingo duela iragarri zuen gaur Donostian PPko buruzagiaren hiletan parte hartu ahal izateko.

► **PP:** «ETA, Jarrai, KAS eta gainontzeko doilarrek uste badute Gregorio Ordoñez hil egi-



Gregorio Ordoñez, PPk Donostiako alkategai izendatu zuen egunean.

ANDER GILLENEA

nez inork gauzak argi eta garbi ez esatea bilatzen badute berriz okertu dira», adierazi zuen atzo EAEko PPk prentsa ohar baten bidez. «Pistolen indarra hitz eta botoen gainetik jarri dute», gaineratu zuen PPk. «EAEko PPko argi utzi nahi du herria alargunez eta umezurtzez betetzen dituztenek ez dutela lortuko terrorismoaren kontra gure jarrera aldatzea», gehitu zuen.

Espainiako PPren izenean Alvarez Cascos idazkari nagusiak sinatutako agirian, «lasaitasunarako deia» egin zuen aipatu alderdiak. «EAEko PPko kide guztiak bezala, bazekien ideia batzuk ari zela defendatzean bere bizitza arriskuan zegoela, berak bazekien eta aitortu egiten zigen

guri eta bere alderdikideei», zioen Espainiako PPren agiriak.

► **EAJ:** «Argi dago hilketa honen erantzukizuna norena den, ETarena hain zuzen ere. Indarrean dabilela erakutsi nahi duen momentu honetan, guretzako, tamalez, gaur gertatutakoa itsukeriaren eta ahuleziaren ondorio besterik ez da» adierazi zuen Joseba egibarrek atzo. EBBaren bileratik irtenda, burukide jeltzaleak adierazi zuen ETAn ez dagoela «hausnarketa ez aldaketarik» eta behin hiltzea erabaki ondoren berdin hiltzen duela «pertsona zaharra zein gaztea, gizasemea ala emakumea, aitona edo mutikoa, zibila zein militarra, gaia da erahiltzea erabakitzen dutenean ahal badute egin

egiten dutela. Guk luzatuko genieke gure mesprezurik handiena» esan zuen eledun jeltzaleak.

► **PSE-EE:** Ramon Jauregik bere elkartasuna adierazi nahi izan zion Ordoñezen «familia pertsonalari eta familia politikoari» ere. «Gregorio Ordoñez euskal gaztea da, euskal demokrata, euskal politikaria eta euskal herritarrek hautatutako politikaria. Bizitza bat kendu dute era basatian, krudelean, eta herri honen subiranotasunaren aurkako atentatua izan da» adierazi zuen Ramon Jauregik PSE-EEren batzorde eragilearen bileran tarte bat eginez.

► **EA:** «Pertsonak hil ahal izango dituzte, baina ez ideiak», adierazi zuen Carlos Garaikoe-

txeak Santiagon. Rafael Larreina Eako parlamentariaren ustez «adierazpen askatasunaren eta herri borondatearen kontrako atentatua» izan da Gregorio Ordoñezen hilketa. Larreina atentatuaren lekuan izan zen Jose Julian Irizar Gipuzkoako Eako lehendakariarekin batera eta saminduta agertu zen. «Herri honetan ez da askatasunik izango, ez indibidual ez kolektiborik, terrorismoa amaitzen ez den birtartean», esan zuen.

► **HB:** «Euskal Herriaren eta Espainiako Estatuaren arteko konfrontazioan» kokatu du HBk Gregorio Ordoñezen hilketa. «Beharrezkoa da agente politiko eta sozial guztiak gogoeta sakona egitea indarkeria politikoaren arrazoiei buruz. Gure ustez, Euskal Herriaren eskubide demokratikoen etengabeko bortxaketa eta euskal nazioa suntsitzeko nahia —horretarako bitarteko errepresibo eta politiko, legezko eta legez kanpoko bideak erabiliz— dira arrazoiak», adierazi zuen HBk prentsa ohar batean.

► **Errege-erreginak:** Espainiako Errege-erreginek telegrama bana bidali zieten atzo Ordoñezen alargunari eta Donostiako alkateari. Alargunari dolumina agertu zioten senarra «atentatu terrorista, krudel eta koldarraren biktima» izateagatik.

► **Gonzalez:** Telefonoz deitu zion Jose Maria Aznarri doluminak agertzeko.

► **Pujol:** Atentatu honek karga desestabilizatzailea du, Generalitateko lehendakariaren ustez, «Ordoñezek terrorismoari aurre egiteko modu ausart eta adoretuagatik».

BEZ
IVA

BEZa guztion pentsutan izan ez dadin.

Faktura eskatu.



Bizkaiko Foru Aldundia

Ogasun eta Finantzak
Saila

Diputación Foral de Bizkaia

Departamento de Hacienda
y Finanzas

94ko BEZ aitorpen - likidazioa

Epea: Urtarrilaren 1etik 30era

Ereduak: 390 - Araubide orokorpeko subjektu pasiboak

391 - Araubide orokorpean soilik ez dauden subjektu pasiboak (erraztua edo erraztu eta orokorra).

Inprimakiak eta dokumentazioa: Aitorpen - likidazioa 1994rako indarrekoak diren eredueta aurkeztuko da nahitaez.

Halaber, inprimakietan eskaturiko dokumentazioa erantsiko da, besteak beste, jasandako eta kengarria den BEZari dagozkion inbertsio fakturen fotokopia.

Kontsulta tfnoa.: 420 83 85 - 420 83 90